

六  
典  
通  
考

六與通考卷三十七

湖西閭鎮珩輯

宮政考

宿衛

中宮天極帝者所居環之匡衛十二星元戈居其左上將拱其右聖人則之植戟懸楯以戒不虞其法始於黃帝至周官彌加詳備焉宮正掌兵衛宮伯掌郎衛而皆統屬於太宰其勢不外隔故賢否得以別擇其權不下移故政令得以專行至於虎賁之虎士掌於司馬四夷之兵隸掌於司寇而虎士八百人爲王親兵則散寄於司馬其實司馬司寇亦聽命太宰而已上下相制脈絡

貫通此宮府內外所以聯爲一體也漢制以期門羽林等扞護宮禁與衛尉所掌宮門之屯兵謂之南軍城門校尉掌京師十二城門之屯兵及三輔所屬中尉之兵謂之北軍及武帝增置八校尉以中壘益北軍以長水池陽胡騎益南軍蓋北軍不出長安南軍自在三輔八校則包南北軍在其中矣故周勃入軍遂安劉氏是爲北軍制南軍之效劉屈氂發三輔近縣兵及長水宣曲胡騎入長安與太子戰是爲南軍制北軍之效宋之衛官號曰三衙皇城司有親從官數千人入內內侍省都知與副都知同主判之殿前司有馬步軍殿前太尉獨統攝之故皇城司於內庭宿衛無不預而宿直諸班禁

衛則無所統攝殿前司雖統攝諸班禁衛亦不問皇城之事其猶漢以南北軍互相維持之意乎唐設南衙北衙而府兵之法壞於開元其後浸以中官爲軍容使大厯建中之交政出樞密國柄倒持神策六軍反爲禍本明立二十六衛而錦衣一衛專掌詔獄奸佞藉勢恣虐非辜故北寺之威重而鉤黨之禍成焉嘗試論之漢南北軍隸三公太尉宋禁軍屬樞密院猶與周人之制相近至唐明季世宰相不得與聞內事而宦寺專擅恣橫難制其由來者漸矣

宮正掌王宮之戒令糾禁以時比宮中之官府次舍之眾寡爲之版以待夕擊柝而比之國有故則令宿其比亦如之

鄭司

農云故謂禍災令宿衛王宮春秋傳曰忘守必危況有災  
乎元謂故凡非常也王之庶子職掌國子之粹國有大事則  
帥國子而致於太子唯所用會其什伍而教之道藝五人爲  
之者令宿衛之事蓋亦有焉

爲什會之者使之輩作輩凡邦之大事令於王宮之官府次  
學相勸帥且寄宿衛之令

舍無去守而聽政令使居其處宮伯掌王宮之士庶子凡

在版者庶子宿衛之掌其政令行其秩敘作其徒役之事秩

廩也敘才等也作徒授八次八舍之職事衛王宮者必居四

也鄭司農云庶子衛王宮在內爲次在外角四中於微候便

爲舍元謂次其宿衛所在舍其休沐之處若邦有大事作宮  
眾則令之謂王宮之士庶子於月終則均秩歲終則均敘以

時頒其衣裘掌其誅賞頒頒爲班班布也衣小司徒大故

致餘子大故謂災寇也鄭司農云餘子謂羨也元

右官吏士庶子宿衛之政 禮書鄭司農以庶子爲夏官

之諸子康成固不取之諸吏之適子或未爲士康成以士爲諸吏之適子亦誤也士衛士也庶子國子之倅未爲士者上言士下言庶子則國子舉矣宮伯所掌皆宿衛之人宮正所掌不特宿衛者八次八舍布於王宮四角四中則達適節而徼候便矣士庶子非王族則功臣之世賢者之類王以自近而衛焉則上下親而內外察矣宮正稽其功緒糾其德行會其什伍而教之道藝宮伯掌其政令誅賞使之學問日進職業日修足以備顧問謹侍衛則王之左右前後孰非多聞直諒之士乎秦有郎中令掌宮殿門戶漢武帝更名光祿勳其屬有四等謂之三字郎而中郎以下更直執戟內謹門禁外充車騎類取經明行修者充之

至於公車特起賢良方正敦樸有道高節公府掾曹試博  
士者多在此選而劉向霍光張安世東方朔揚雄之徒皆  
與焉是以董仲舒欲使列郡守二千石各擇其吏民之賢  
者歲貢二人以給宿衛且以觀大臣之能館陶公主爲子  
求郎明帝曰郎官上應列宿出宰百里用非其人民受其  
殃則宿衛之選可謂重矣魏晉以後無復三宇郎而光祿  
不復在禁中至梁改爲光祿卿北齊曰光祿寺兼掌膳食  
帳幕而已唐爲三衛五府以品官之子弟使父兄任保而  
後處之亦古之遺制也 大胥凡祭祀之用樂者以鼓徵  
學士序宮中之事士師掌五禁之法一曰宮禁漢中郎將  
分掌三宇郎入掌門戶出充車騎故卿校尉牧守及公車

特從者亦允茲位其下第白衣試博士者皆拜郎中中郎  
有五官左右三將郎中有車戶騎三將凡郎官皆主更直  
執戟宿衛諸殿門惟議郎不在直中故事光祿勳選三字  
郎有行應四科者歲舉茂才二人四行二人又上廉吏六  
人爲長理劇後代親衛之府曰親府勳衛之府曰勳一府  
曰勳二府翊衛之府曰翊一府曰翊二府凡五府武德貞  
觀世重資陰二品三品子補親衛二品曾孫三品孫四品  
子職事官五品子若孫勳官三品以上有封及國公子補  
勳衛及率府親衛四品孫五品及上柱國子補翊衛及率  
府

虎賁氏下大夫二人中士十有二人府二人史八人胥八十



人虎士八百人虎賁氏掌先後王而趨以卒伍

王出將虎賁士居前後雖

羣行亦有局分軍旅會同亦如之舍則守王閑

舍王出所止宿處開柵經

王在國

則守王宮

爲周

國有大故則守王門大喪亦如之

非常之難要在門

適四方使則從士大夫

虎士從使者

若道路不通有徵事則奉書

以使於四方

不通逢兵寇若泥水奉書徵師役也春秋隱公七年冬戎伐凡伯於楚邱以歸

旅賁

氏掌執戈盾夾王車而趨左八人右八人車止則持輪

夾王車者

其下士也下士十有六人中士爲之帥焉

凡祭祀會同賓客則服而趨

服而趨夾王車趨也

會同賓客王亦齊服服元端

喪紀則衰葛執戈盾

葛葛經武

軍

旅則介而趨

介被甲

師氏使其屬帥四夷之隸各以其兵服

守王之門外且蹕

兵服旃布弓劍不同也門外中門之外蹕止行人不得迫王宮也故書隸或作肆鄭

可禮云

朝在野外則守內列

內列蕃營之在內者也其屬亦帥四夷之隸守之如守王宮

讀爲隸

保氏使其屬守王闔

闔宮中之巷門

司隸掌五隸之法辨其物

而掌其政令

五隸謂罪隸四翟之隸也物衣服兵器之屬

掌帥四翟之隸使之皆

服其邦之服執其邦之兵守王宮與野舍之厲禁

野舍王行所止舍也

厲遮例也

罪隸其守王宮與其厲禁者如蠻隸之事

今按此文當屬闕隸

蠻隸其在王宮者執其國之兵以守王宮在野外則守厲

禁

闕隸

今按此職當有其守王宮與其厲禁者如蠻隸之事十四字誤脫在罪隸之下

夷隸其

守王宮者與其守厲禁者如蠻隸之事

貉隸其守王宮者

與其守厲禁者如蠻隸之事

右虎賁旅賁夷翟四隸之衛

禮書古之守衛王宮者不

特士庶子而已有虎賁之虎士司隸之五隸虎士有卒伍

四翟之隸有兵國有大故則守王門舍則守王閑而司戈

盾軍旅會同投旅賁及虎士戈盾則王之在國在野可謂  
嚴矣然必使四翟之隸者以著王之所守在四夷也或使  
師氏之屬帥之者以著王之使武以文也周之時以南方  
爲遠尤貴其來故掌四夷之官曰象胥而奏樂亦以南

詩以雅以前記  
曰胥鼓南

則周人之意可知矣士庶子所直在四中四

角而虎士五隸之所直於經無見漢之衛士於周垣下爲  
區廬而張衡有八屯之說則先王之制蓋亦如此漢衛尉  
及長樂建章甘泉衛尉皆掌其宮職略同而不常置張衡  
西京賦曰衛尉八屯李善曰衛尉率吏士周宮外於四方  
四角立八屯隋衛尉掌軍器儀仗帳幕以監門尉掌宮內  
屯兵唐龍朔二年改爲司衛寺正卿咸亨中復舊唐之宿

衛以府兵番上給弓矢橫刀兵部以遠近給番五百里爲  
五番千里七番一千五百里八番二千里十番外爲十二  
番皆一月上若簡留直衛者五百里爲七番千里八番二  
千里十番外爲十二番亦月上高宗武后時天下久不用  
兵府兵之法寢壞番役更代多不以時衛士稍稍亡匿至  
開元中益耗散宿衛不能給宰相張說請一切募士宿衛  
號曰彍騎自是諸府士各不補折衝將又積歲不得選士  
人皆恥爲之十三年始以彍騎分隸十二衛總十二萬爲  
六番每衛萬人天寶以後彍騎之法又稍變廢士皆失拊  
循折衝諸府至無兵可教李林甫請停上下魚書其後徒  
有兵額官吏故時府人目番上宿衛者曰侍官言侍衛天

子至是衛佐悉以假人爲童奴而人人恥之至相罵辱必  
曰侍官而六軍宿衛皆市人富者販繒綵食梁肉壯者爲  
角觶拔河翹木扛鐵之戲及祿山竊發皆不能受甲矣

書立政周公戒于王曰王左右常伯常任準人綴衣虎賁周

公曰嗚呼休茲知恤鮮哉

言五等官職之美而知憂其得人者少也虎賁則禮之虎賁氏也

文王武王虎賁綴衣庶常吉士

言在文武之廷無非常德吉士

顧命成王

不懌乃同召太保奭芮伯彤伯畢公衛侯毛公師氏虎臣百

尹御士

同召六卿下至御治事者師氏大夫官虎臣虎賁氏

王崩太保命仲桓南宮毛

俾爰齋侯呂伋以二千戈虎賁百人逆子釗于南門之外延

入翼室恤宅宗

桓毛二臣名伋大公望子爲天子虎賁氏太保以冢宰攝政命桓毛二臣使齊侯呂伋以

二千戈虎賁百人逆太子釗於路寢門外引入路寢翼室爲憂居宗主也

二人崔弁執惠立于畢

門之內四人禁弁執戈上刃夾兩階凡一人冕執劉立于東

堂一人冕執鉞立于西堂一人冕執戣立于東垂一人冕執

瞿立于西垂一人冕執銳立于側階弁士服崔弁赤色弁也

惠三闕子路寢門一名畢門上刃刃外嚮也堂廉曰凡冕大

夫服劉鉞屬戣瞿皆戟屬銳當作銳說文曰銳侍臣所執兵

從金允聲周書曰一人冕執銳讀若允東西堂路寢東西廂

之前堂也東西垂路寢東西序之階上也側階北陛之階上

也呂氏曰古者執戈戟以宿衛王宮皆士大夫之職無事而

奉燕私則從容養德而有膏澤之潤有事而司禦侮則堅明

守義而無腹心之虞下及秦漢陛楯執戟尚餘一二此制既

廢人主接士大夫者僅有視朝數刻而周盧陛楯或環以椎

埋器悍之徒有志於復古者當深釋也

侯伯賜之虎賁三百人 秦伯送衛於晉三千人 賈紀綱之

僕新有呂卻之難國未輯睦故以兵衛文公

諸門戶僕隸之事皆秦卒共之爲之紀綱

崇爲太師且掌環列之尹環列之尹宮衛之 國語天子有

虎賁習武訓諸侯有旅賁禦災害

訓教也禦禁也所以備非常禁災害也

鄭伯謙曰周人宿衛之制其別有五其爲政令有四居有宮中之徒役公卿大夫之士庶子爲環列腹心之衛宮正宮伯所掌是也出有虎士八百人掌先後王而趨以卒伍視朝在路門之右虎賁士之所掌是也奉輿馬督扈從視朝在路門之左有太僕以掌之所謂侍御僕從罔匪正人是也執其兵器服以衛王門及外朝在野外則守內列有司隸以掌之所謂使其屬帥四夷之隸是也環列腹心之衛在內而不出虎士之衛爲重兵王不出亦不行四翟之隸則以王出而環衛諸門侍御僕從之役則以王行而飭整駟從此宿衛之別也然腹心之衛尤重且急故稽其功

緒而糾其德行會其什伍而教其道藝去其淫息與其奇  
表之民使之不爲放僻邪侈有失德以亂宮中之政令宮  
正均外朝之稍食內宰均內朝之稍食養人心之善而護  
廉恥之風此宿衛之政令也夫以貴游之子弟宮中之徒  
役錯置於八次八舍之中旣勸其爲善又禁其爲惡則凡  
居王之左右前後與備顧問應對者孰非直諫多聞之士  
哉其餘宿衛之兵則大司馬教之宿衛正之司隸令之師  
氏帥之內外相統彼此相持觀于成王之季呂伋掌虎賁  
之士非有宰臣之命則呂伋不敢以擅發召公雖得以制  
命非有二諸侯將命以往則召公亦不敢專行內之夾階  
屺立堂垂執劉鉞而止戈刃者無非冠冕士大夫是故春



秋之際雖僭竊如楚而環列之尹大師得以掌之猶有太宰統宮正宮伯之意區區之曹荷戈與殳猶有賢者是德行道藝未有愧於宮正宮伯之所掌也漢興南北軍隸於三公而衛尉光祿勳皆屬丞相御史光祿勳歲以四科考第郎從官凡更直執戟內謹門禁外充車騎者無非以經明行修者爲之故當時諸呂之亂滕公除宮左右執戟不肯去代王入未央宮謁者執戟衛端門不得入其效亦略可觀矣自武帝使世家富人犯令人財者皆得補郎而郎選始衰期門羽林佺飛之屬反隸於光祿勳爲天子私人而兵衛始變宣帝又發羽林孤兒佺飛射士征西羌而禁衛始紛紛輕出光武以來其制益壞矣京師止置北軍而

八校之兵併爲五營南軍不復有焉中尉不掌京輔士卒  
城門不置屯兵郡國罷材官車騎之屯而衛尉不閱更戍  
之士於是北軍分爲宦官所親竄武誅宦官雖召會北軍  
五校士數千人未幾卽散降王甫外旣不足以制內而內  
之所存者又未嘗教之使知義焉魏晉而降光祿勳不復  
居禁中士大夫不復與宮衛直閣帶刀變生肘腋唐興置  
左右金吾衛將軍掌宮中及京師之巡警烽堠凡翊衛及  
府仗飛番上者皆屬焉而文武於是判然兩途德宗之世  
多權移近習宦官握禁兵而廢立在其手矣反覆魏晉李  
唐之亂參觀兩漢之盛衰然後知周官之制不可廢也

漢制南軍在京城門內衛尉主之北軍在宮城門外中尉主

之中尉掌徵巡京師武帝更名執金吾左右京輔都尉尉丞

郎中令秦官掌宮殿掖門戶有丞武帝太初元年更名光祿

勳屬官有大夫郎謁者期門羽林皆屬焉期門羽林皆宿衛官故屬南軍

門掌執兵送從服虔曰與期門不以敵行後遂以名官東方朔傳云微行常用飲酒

常侍武騎及待詔龍西北地良家子能騎武帝建元三年初射者斯諸殿門故有期門之號自此始

置比郎無員多至千人有僕射秩比千石平帝元始元年更

名虎賁郎置中郎將領之秩比二千石虎賁舊作虎奔言如虎之奔走也王莽補

賁故以奔爲賁政以古有勇士孟故有虎賁中郎將主虎賁宿衛冠插兩鵝

尾鵝鷩鳥之中果勁者每有攫撮應爪推碎尾上黨所貢紗也後漢崔鈞爲武賁中郎將服武弁戴鵝尾攫音纒

殺單衣虎文錦袴餘郎亦然凡有虎賁中郎虎賁侍郎虎賁

郎中節從虎賁皆父死子繼若死王事亦如之羽林掌送從

次期門

蔡質漢儀曰羽林府次虎賁府

武帝太初元年初置名曰建章營騎

後更名羽林騎

師古曰如羽之疾如林之多一云象天文羽林星主車騎也

宣帝令中郎

將騎都尉監羽林謂之羽林中郎將領郎百人謂之羽林郎

選隴西上陽安定北地西河上郡良家子便弓馬者以爲之

一名樓郎言其禦侮戡除之下

後漢志曰言從游獵還宿殿常嚴下室中故號樓郎或說

爲嚴郎取其嚴屬素整也

又置羽林左右監

後漢志曰羽林左監一人主羽林右監一人主

羽林右騎皆六百石

取從軍死事之子孫養之羽林官教以五兵號曰

羽林孤兒衛尉秦官掌宮門衛屯兵有丞景帝初更名中大

夫令後元年復爲衛尉屬官有公車司馬衛士旅賁三令丞

諸屯衛候司馬十二官皆附焉武帝建元元年詔衛士轉置

送迎常二萬人其省萬人宣帝卽位長樂宮初置屯衛元康

元年冬置建章衛尉元帝初元三年罷甘泉建章宮衛諸廟  
寢園祭祀用衛士四萬五千一百二十九人漢車騎將軍衛  
將軍左右前後將軍皆金印紫綬位次上卿掌京師兵衛四

夷屯警文帝拜宋昌爲衛將軍領南北軍二年罷衛將軍軍

徐天麟曰周之兵制無事則散之田畝有役則召以縣師而  
宿衛常養之兵則有虎賁之士八百人至六軍之役一軍百  
人大司馬之屬徒三百有二十人又在虎賁之外然不常有  
而虎賁之祿比下士足以代耕蓋庶人在官者也漢期門千  
人而秩比郎亦古  
虎賁之遺意與漢中郎將分掌三署郎有議郎中郎皆比  
六百

石侍郎比四百郎中比三百凡四等皆秦官無員多至于千靈帝  
時三

千餘人皆掌門戶出充車騎其散郎謂  
之外郎中郎有五官左右

三將謂五官中郎  
左右郎將郎中有車戶騎三將如滄曰主車日車郎  
主戶衛日戶郎漢舊

儀禮中令主郎中左右車將主  
凡郎官皆主更直執戟宿

爲諸殿門唯議郎不在直中

漢儀曰三署郎見光祿勳執板拜若見五官左右將執板不拜

於三公諸卿無敬

郎官故事令出錢市財用給文書乃得出時號曰

山郎

謂以賞財爲郎也山者財用之所出故取名

或至歲不得休沐其豪富郎日

出游戲或行錢得善部貨賂流行轉相做倣楊惲字子爲中

郎將罷山郎其疾病休沐皆以法令有過奏免薦舉其高第

有行能者多至郡守九卿三署化之莫不自勵宮殿之內翕

然同聲其後遂以爲常

衛籍文帝時以戲車爲中郎將戲車謂能左右超乘也景帝幸上林詔籍

參乘重其瀆謹又蘇武以中郎將持節使匈奴又司馬相如拜中郎將建節往使邛笮縣令負弩矢前驅蜀人以爲寵

始高帝爲漢王二年六月還櫟陽令諸侯子在關中者皆集

櫟陽爲衛及帝崩陳平畏讒固請得宿衛高后二年齊哀王

遣弟章入宿衛於漢封朱虛侯四年封章弟興居爲東牟侯

皆宿衛長安文帝入未央宮有謁者十人持戟衛端門武帝時董仲舒對策曰使諸列侯郡守二千石各擇其吏民之賢者歲貢各二人以給宿衛王臧上書宿衛累遷一歲至郎中令張安世輔政宿衛十有三年封富平侯

元后詔曰博山侯孔光宿衛四世世

爲傅相光祿勳豐宿衛三世奉車都尉甄邯宿衛勤勞建議定策

真德秀曰古者內外庭不分人主出入起居皆與賢士大夫游故文帝視朝而受郎官止輦之言馳坂而受袁盎攬轡之諫蓋日侍左右隨事納規則未爲無補也至武帝時侍中分掌乘輿服物下至褻器虎子之屬孔安國以儒者爲侍中特聽掌御唾壺則媠慢已甚然有臣如汲長孺則帝雖雄暴而以禮遇之特出丞相大將軍之上蓋所以取

重者存乎其人耳後世此意不存人主親士大夫之時少  
親宦官宮妾之時多雖輔弼股肱之臣亦不過質明趨朝  
鞠躬屏息播笏奏事卑卑而前數語卽退而所與游處親  
密者皆嬖佞近習之流耳況賢良方正之士脫迹草莽而  
觀光上國其視黃屋之後塵重瞳之眸表遠在雲霄之上  
勢分隔而情意日疏等威嚴而震怖易起所謂臨軒詳延  
之事特具文耳安得如漢世之日近清光而得以時效忠  
讜乎

後漢光祿勳掌宿衛宮殿門戶典謁署郎更直執戟宿衛門  
戶考其德行而進退之五官左右中郎將主五官郎並領三  
署郎郡國舉孝廉以補之三署郎年五十以上屬五官

黃琬字子



政爲五官中郎將時陳蕃爲光祿勳深相敬待每與議事舊制光祿舉三署郎以功高久次才德尤異者爲茂才四行時權富子弟多以人事得舉而貧約守志者見遺京師謠曰欲得不能光祿茂才於是蕃琬同心顯用志士故蕃琬皆爲權富郎所中傷也其次分屬左右署左右郎將各領左右署郎二署皆有中郎侍郎郎中左中郎將皇甫嵩右中郎將朱雋並諫黃官中郎將置官屬以副丞虎賁中郎將有左右僕射左右陞相位在魏國諸侯王上

長各一人僕射掌虎賁郎習射陞長主直虎賁朝會在殿中

餘同西京制虎賁久者轉遷才能差高至中郎馬援孔融並爲虎賁中郎

將遷尙書魏植隋字伯緒爲羽林中郎將無員主羽林郎漢末

又有四中郎將皆帥師征伐不知何時置董卓爲羽林郎無

東中郎將盧植爲北中郎將曹植爲南中郎將

員掌宿衛侍從羽林七王羽林左騎漢官曰孝廉郎主羽林九百人二監官屬

史吏皆自出羽右監主羽林右騎各有丞一人騎都尉無員

林中有材者作

掌宮門衛士南宮衛士令掌南宮衛士北宮衛士令掌北宮

衛士左右都候各一人掌劔戟士微循宮

胡廣曰衛尉循行宮中則金吾微於

宮外相北軍中候一人掌監五營屯騎校尉越騎校尉射聲

校尉步兵校尉長水校尉均掌宿衛各有兵司馬一人又有

胡騎司馬一人掌宿衛主烏桓騎舊有中壘校尉領北軍營

壘之事有胡騎虎賁校尉中興省中壘但置中候以監五營

胡騎并長水虎賁主輕車并射聲

林柁曰漢制南軍有郎衛兵衛之別三署諸郎羽林期門

皆郎衛也衛士令丞諸屯衛侯皆兵衛也北軍有調兵募

兵之分三輔兵卒是調兵而衛

中尉屬官左右京輔都尉尉丞有兵卒按黃霸爲京

北尹坐發騎士詣北軍調馬不適士八校胡騎越騎則募

殿秩則京輔兵卒番上北軍明矣

兵而衛

入校尉皆武帝初置中壘屯騎步兵越騎長水胡騎射聲虎賁

此漢人南北軍之

制也朱虛入衛卒平諸呂方朔執戟坐折董偃袁盎以中

郎卻愼夫人之坐日磔入侍縛莽何羅之逆王國侯國拘

不得入

漢制王國侯國不得入宿衛龔勝爲楚王常侍後三舉孝廉不得宿衛

同族犯法限

不得與

漢制同族犯法不得宿衛蕭望之以甲科爲郎後坐弟犯法不得宿衛

雖以龔勝蕭

望之之賢甯從退免則宿衛之選任嚴矣然始以南北軍

隸三公而太尉周勃得入北軍以成安劉之功可也自武

帝疏遠外庭衛尉之職領於將軍

王莽以大將軍兼衛尉

城門之兵

領於司馬

成帝世陽阿侯王譚成都侯王商紅陽侯王音皆以大司馬特進領城門軍

往往以

中朝任之而大臣皆無預焉大司馬之任又非向時太尉

之比豈知禁嚴之地大臣皆不預聞則凡可以轉移人主

之心志惑亂人主之視聽無所不至矣至東漢以來五官

郎將羽林虎賁以職屬大夫議郎謁者僕射以文屬

後漢官志

五官中郎將左右中郎將羽林虎賁中郎將羽林監以職屬光祿大夫大中大夫中散大夫諫議大夫議郎謁者僕射常侍謁者以文屬分屬之後政令不行而又光祿大夫不在宿直

議郎不與執戟

自五官至羽林凡七署唯議郎與光祿大夫同在直中

惟不在宿直

執戟之列則凡爲禁衛者皆非士人之流而郎官三省盡

爲諸黃門之廬耳故宦官內典門戶外與政事

賈武說太后曰故事

黃門常侍但當給事省內典門戶耳今乃及何進誅宦者使與政事而任權重子弟布列專爲貪暴

太后不聽曰中官統領禁省漢家故事我柰何與士人共

對事乎則知士人不爲郎中久矣後盡除宦者選三署郎

入守宦官之廬推原其故皆光武不任三公多置黃門

後宮

少府屬多置黃門其流禍至是也

魏武帝爲漢丞相相府自置領軍非漢官也建安十二年改爲中領軍以史渙爲之與護軍韓浩皆領禁兵文帝受漢禪始置領軍將軍主五校中壘武衛三營以曹休爲之武衛將軍無員初魏王始置武衛中郎將文帝踐祚改爲衛將軍主禁旅其羽林監依漢制

晉光祿勳屬官有羽林郎將羽林左右監品第五銅印墨綬武冠絳朝服其侍陛殿著鷩尾冠紗縠單衣哀帝時桓溫執政省羽林中郎將唯置一監初文帝爲相國相國府置中衛將軍武帝初分中衛置左右衛將軍以羊琇爲左衛趙序爲右衛置佐吏掌宿衛營兵銀章青綬武冠絳朝服佩水蒼玉

殿內宿衛號三部司馬置殿中將軍殿中司馬督分隸左

右二衛江右初員十人朝會宴饗則將軍戎服直侍左右夜

開城諸門則執白虎幡監之孝武太元中改選以門閤居之

初武帝重兵官多選朝廷清重之士居之置中軍將軍統宿

衛七軍

宋志中軍將軍羊祜統二衛前後左右驍騎七軍皆兵卽領軍之任也祜遷罷復置北軍中候置丞一人

懷帝永嘉中改曰中領

及五王作難東海王越以頃興事皆由殿省乃

奏宿衛有侯爵者皆罷之時殿中武官並封侯出者略盡皆

涕泣而去乃以東海國官領左右衛以國兵宿衛武帝始建

東宮置衛率曰中衛率太始五年分爲左右衛率各領一軍

惠帝時愍懷太子在東宮加前後二衛率

晉志凡太子出前衛率導在前黃麾

左右二率從使導輿車後衛率從在烏皮外並帶執刀其服并視左右衛將軍山公啟事曰太子左率缺侍衛威重宜

得其才無疾忠者城陽太守石崇忠篤有文武河東太守焦勝清貞著信義皆其選也劉卞爲愍懷太子左率知賈后必害太子乃問張華華曰君欲如何卞曰東宮雋又如林四率精兵萬人公居阿衡之任若得公命皇太子因朝使錄尚書事廢賈后於金墉兩黃門力耳華曰廢立大事恆懼禍甚又非所能賈后微聞遷卞爲雍州刺史卞恐終露服藥自卒

成都王穎爲太弟又置中衛率是爲五率

秦曰衛率漢因之

主門衛

宋領軍將軍掌內軍護軍將軍掌外軍與左右二衛驍騎游

擊將軍謂之六軍

輿服志驍騎車衛將軍及諸將軍加大者皆金章紫綬武冠佩水蒼玉諸軍司馬銀

章青綬朝服武冠

二衛各領營兵每營一人宿直後增二衛儀從爲

九十人中領軍將軍掌內禁兵大駕出則御軍在前住則守舊制輿駕出行則與護軍將軍更日直領隊於上軍門內太子左率衛七人右率衛二人二率職如二衛

齊以二衛左右四軍

前後左右將軍

五校

卽漢之

驍騎游擊

殿中員外殿中武衛七將軍殿中司馬左右及虎

黃之中郎將穴從僕射

宋志穴從僕射漢東京有中黃門穴從僕射職官要錄曰本期門之職漢桓帝

時置穴從僕射掌諸散從其射事則主帥之羽林監武騎常

侍謂之西省左衛領管五十司馬二十五人右衛領管四十

司馬二十人衛尉府置丞掌宮城管籥宮城諸卻敵樓上本

施鼓持夜者以應更唱太祖以鼓多驚眠改以鐵磬

梁武受禪于齊侍衛多循其制正殿便殿閣及諸門上下各

以直閣將軍等直領又置刀鈔御刀御楯之屬直御左右兼

有御仗鎗稍赤犢角抵勇士青犢衛仗長刀刀劍細仗羽林

等左右二百七十六人以分直諸門行則儀衛左右又有左

右夾轂蜀客楯劍格獸羽林八從游盪十二不從游盪直從



細射廉察刀戰腰弩大弩等隊凡四十九隊亦分直諸門上  
下行則量爲儀衛東西抵端大司馬東西華承明大通等門  
又各二隊及防殿三隊雖行幸不從又有八馬游盪馬左右  
夾轂左右馬百騎等各二隊及騎官閱武馬容雜伎馬容及  
左右馬騎直隊行則侍衛左右分爲警衛車駕晨夜出入及  
涉險皆作函鹵鏹應宿衛軍騎皆執兵持滿各當其所保護  
方位天明及度險乃奏解函搥鼓而依常列天監六年置左  
右驍騎領朱衣直闕并給儀從北徐州刺史昌義之首爲此  
職出則羽儀清道入則與二衛通直臨軒則升殿夾侍改舊  
驍騎曰雲騎太子二衛率視御史中丞左率領七營右率領  
四營

禁制領軍將軍管天下兵要謂之禁司與左右僕射爲

一流中領軍與吏部尚書爲一流又有左右驍騎及雲騎

陳韋

驍騎將軍素有名稱每大事恆令夾侍左右時人榮之

永定二年詔云左右驍騎宜

通文武文官則用心腹武官則用功臣所給儀從同太子二

衛率

後魏有領軍護軍

二職若侍臣帶者加中

又有領軍將軍護軍將軍永

光初增置左右衛將軍各二人品從二千牛衛備身掌乘輿

御刀取莊子庖丁爲惠文君解牛十九年而刃若新發於硯

之意言此刀可以備身因以名官

謝綽宋拾遺錄有千牛刀卽人主防身之刀也

康生有勇力以其子難爲千牛備身又揚保宏農人爲千牛

備身靈太后時四中郎將兵數寡弱不足以襟帶京師任城

王澄奏宜以東中帶滎陽郡南中帶魯陽郡西中帶恆農郡北中帶河南郡選二品三品親賢兼稱者居之配以強兵則深根固本之計也

太后初從之後復止

太子衛官曰左右衛率

北齊謂之左右

衛率坊

後齊宮衛之制左右各有羽林郎十二隊又有持鈇隊鉞槩隊長刀隊細仗隊楯鍛隊雄鼓隊格獸隊赤氍隊角抵隊羽林隊步游盪隊馬游盪隊又左右各武賁十隊左右翊各四隊又步游盪馬游盪左右各三隊是爲武賁又有直從武賁左右各六隊在左者爲前馳隊在右者爲後拒隊又有募員武賁隊強弩隊左右各一隊在左者皆左衛將軍總之在右者皆右衛將軍總之以備警衛其領軍中領將軍侍從出入

則著兩襜甲手執檉杖左右衛將軍將軍則兩襜甲手執檀杖侍從左右則有千牛備身左右備身刀劍備身之屬兼有武威熊渠鷹揚等備身三隊皆領左右將軍主之宿衛左右而戎服執仗兵有斧鉞弓箭刀稍旌旗皆纁首五色節文飾悉赭黃

後周置左右宮伯掌侍衛之禁各更直於內小宮伯貳之臨朝則分在前侍之首並金甲各執龍環金飾長刀行則夾路車左右中侍掌御寢之禁皆金甲左執龍環右執獸環長刀並飾以金次左右侍陪中侍之後並銀甲左執鳳環右執麟環長刀次左右前侍掌御寢南門之左右並銀甲左執師子環右執象環長刀次左右後侍掌御寢北門之左右並銀甲

左執犀環右執兕環長刀左右騎侍立於寢之東西階並銀甲左執羆環右執熊環長刀十二人兼執師子彤楯列左右侍之外自左右侍以下刀並以銀飾左右宗侍陪左右前侍之後夜則衛於寢庭之中皆服金塗甲左執豹環右執貔環長刀並金塗飾十二人兼執師子彤楯列於左右騎侍之外自左右中侍已下皆行則兼帶黃弓矢巡田則常服帶短刀如其長刀之飾左右庶侍掌非皇帝所御門閣之禁並服金塗甲左執獬豸環右執獬環長劍並金飾十二人兼執師子彤楯列於左右宗侍之外行則兼帶皓弓矢左右勳侍掌陪左右庶侍而守出入則服金塗甲左執吉良環右執猊環長劍十二人兼執師子彤楯列於左右庶侍之外行則兼帶盧

弓矢巡田則與左右庶侍俱常服佩短劍如其長劍之飾諸侍官大駕則俱侍中駕及露寢半之小駕三分之一

餘詳儀衛篇

東宮有司武司戎司衛等員

隋初左右衛大將軍各一人將軍各二人各領親衛

煬帝改爲左右

翊衛所領軍名驍騎加置親衛并領勳武三衛改三衛爲三侍非翊衛府無三侍左右武侯府大將

軍一人將軍二人掌車駕出入先驅後殿晝巡夜察執捕姦

非烽候道路水草所宜巡狩師田則掌其營禁

大業三年改爲左右武侯

衛所領軍名伏飛監門府將軍各一人掌宮殿門禁及守衛事各置

郎將一人校尉直長各三十人

煬帝改將軍爲郎將各一

左右領左右府

煬帝改爲左右備身府置備身郎將等官大將軍一人將軍二人掌侍衛左右供

御兵仗領千牛備身十二人掌執千牛刀備身左右十二人

掌供御刀箭備身十六人掌宿衛侍從開皇十八年置備身府煬帝卽位改左右備身府爲左右驍衛府所領軍名豹騎其備身府別置焉又改左右領軍爲左右屯衛所領兵爲羽林太子左右衛率兼有副率二人左右率副率各一人禁內侍衛供奉兵仗左右監門率各一人掌諸門禁煬帝改爲監門將軍改衛率爲侍率置副率二

唐左右衛大將軍掌統領宮庭警衛之法令以督其屬之隊凡親勳翊五中郎將府及折衝府所隸者皆總制焉凡大朝會率其屬以黃質蓋甲鎧黃弓箭黃刀黃楯黃纒黃麾麒麟旗角端旗赤熊旗之類爲左右廂之儀仗每月親勳翊五府三衛及折衝府之驍騎應番上者各受其名簿以配所職凡

宿衛內廊閣門外分爲五仗

一日供奉二日親仗三日勳仗四日翊仗五日散手仗皆

坐於東西廊下若御坐正殿則立於兩階之次在正門之內

則以挾門隊坐於東西廂承天嘉德二門之內皆大將軍守

之諸門及內廂宿衛之仗無將軍者則以中郎將一人權代

其職若大駕行幸則如鹵簿之法以從親府勳一府勳二府

翊一府翊二府等五府

隋左右親衛勳衛翊衛各置開府一人有長史司馬倉兵法等參軍唐武

德七年改開府置中郎將左右郎將各一人謂之左右親勳翊衛中郎將府

中郎將掌領其府校

尉旅帥親衛勳衛翊衛之屬以宿衛而總其府事左右郎將

貳焉若夫朝會及巡幸則如鹵簿之法以領其儀仗凡五府

之親勳翊衛應番上者則以其名簿上大將軍配於所職

武德

貞觀世重資蔭二品三品子補親衛二品曾孫三品孫四品子職事官五品子若孫勳官三品以上有封及國公子補勳



衛及率府親衛四品孫五品及以上柱國子補翊衛及率府勳  
衛勳官二品及縣男以上子若孫補諸衛及率府翊衛王府  
執仗親事執乘親事每月番上者數千人宿衛內廡及城門  
給廩食執扇三衛三百人擇少壯肩膊齊儀容整美者本衛  
印臂送殿中省肄習仗下每番三衛一人爲太僕寺引轡其  
後入官路艱三衛非權勢子弟輒退番柱國子有白首不得  
進者流外雖鄙不數年給祿左右驍衛大將軍唐初置左右  
廡故三衛益賤人罕趨之左右驍衛大將軍唐初置左右  
二年除府字先宅元年改爲左右驍衛如左右衛其異者大朝  
武威衛神龍元年復爲左右驍衛  
會建黃麾鳳旗飛黃旗吉利旗兕旗太平旗親府之翊衛外  
府之豹旗番上者則分配之在正殿之前則以胡祿隊坐於  
東西廊下若御坐正殿則以隊仗次立於左右衛下在正門  
之外則以挾門隊列於東西廂凡分兵以守諸門則知左廂  
諸門之內事右廂諸門之外事若在皇城四面宮城之內外  
則與左右衛分知助鋪之職左右武衛大將軍隋採諸武之名置左右武

唐因之光宅元年改爲朝會率其屬被白質鍪甲鎧執

右鷹揚衛神龍元年復舊白弓衛白楯白積建鷲麾四色麾五牛旗飛麟旗馱旗

旗犀牛旗駿驥旗驥驎旗蹕稱長唱警持鉞隊應蹕爲左右

廂儀仗凡翊府翊衛外府熊渠番上則分配之正殿前以諸

隊次立於驍衛下在嘉德門內外以挾門隊坐於東西廊左

右威衛大將軍龍朔二年改爲左右威衛別置左右屯衛光宅元年改爲左右豹衛神龍元年復舊名

掌如左右衛朝會則率其屬被黑質鍪執黑弓箭黑刀黑

積建青麾黑麾黃龍負圖旗黃鹿旗騶牙旗蒼烏旗爲左右

廂之儀仗次立武衛之下翊府翊衛外府羽林番上者則分

配之在正殿前則以諸隊立於階下在長樂永安門內則以

挾門隊列於兩廊凡分兵主守則知皇城東西面之助鋪左

右領軍衛大將軍

因隋屯衛名置大將軍將軍後改爲威衛又採前代領軍名別置領軍衛龍朔二年

改爲左右戎衛光宅元年改爲左右王鈐衛神龍元年復故

朝會則率其屬被青質蓋甲

鎧執青弓箭青刀青楯青攢建赤麾應龍旗玉馬旗三角獸旗白狼旗龍馬旗金牛旗爲左右廂之儀仗以次立威衛下凡翊府翊衛外府射聲應番上者則分配之在正殿前則以諸隊立於階下在長樂永安門外則以挾門隊列於兩廊凡分兵主守則如皇城東西面之助鋪及京城苑城諸門之職左右金吾衛大將軍掌宮中及京城晝夜巡警之法以執禦非違凡翊府及同軌等五十府皆屬焉凡車駕出入則率其屬以清游隊建白澤旗朱雀旗以先驅又以元武隊建元武旗以後殿餘依鹵簿之法以從若巡狩師田則執其左右營

衛之禁凡翊衛府同軌寶圖等五十府曠騎衛士應番上者

各配所職焉

又置引駕三衛六十人並於左右衛取明閑隊仗法用兼能糾彈事者充分爲五番上下仍於

諸衛翊衛隊正內取五人爲主帥番別配一人檢校又置別駕仗飛六十五人於當衛簡取越騎射者充分爲六番上下番別置主帥一人中郎將各一人掌領府屬以督京城內左右六街

晝夜巡警之事左右郎將貳焉餘如左右衛左右監門衛大

將軍掌諸門禁衛門籍之法凡京師應以籍入宮殿門者皆

本司具其官爵姓名以移牒其官

若流外官承脚色并具其年紀顏狀

以門司

送於監門勘同然後聽入凡財物器用應入宮者所由以籍

旁取左監門將軍判門司檢以入之應出宮者所由亦以籍

旁取右監門將軍判門司檢以出之其籍月一換若大駕行

幸則依鹵簿之法率其屬於牙門之下以爲監守中郎將掌

諸監門及巡警之法凡宮殿門及城門皆左入右出其監門

官司檢校者聽從便門出入左右千牛衛大將軍

初爲左右千府龍朔

二年改爲左右奉寵衛神龍元年乃改爲千牛衛

掌宮殿侍衛及供御之儀仗而總

其曹務凡千牛備身備身左右執弓箭以宿衛主仗守戎服  
器物凡受朝之日則領備身左右昇殿而侍列於御座之左  
右若親射於射宮則大將軍將軍率其屬以從凡千牛備身  
左右考課賜會及祿秩之升降同京職事官之制中郎將掌  
供奉侍衛以貳將軍及諸曹之務凡千牛備身備身左右以  
御刀仗升殿供奉者皆大將軍將軍率而領之而中郎將佐  
其職凡侍奉禁橫過座前者禁對語及傾身與階下人語者  
禁搖頭舉手以相招召者若有口敕通事舍人承受傳聲於

階下不聞者則中郎將軍告之曹曹掌甲仗之事凡御仗之物二百一十有九羽儀之物三百自千牛以下各分而典掌之其當上日執御刀御弓矢之外仍量備弓箭以入宿每月主仗當上則配其所職若在行從則兼其曹之任餘同左右衛左右羽林軍衛大將軍初名武衛所領兵爲羽林別置左右屯營各有大將軍將軍等員龍朔二年爲左右羽林軍統領北衙禁兵之法令而督攝左右廂飛騎之儀仗大朝會則率其儀仗以周衛階陛大駕行幸則夾馳道而爲內使羽林禁兵旗幟名數祕莫得知略之凡飛騎每月番上者皆據其名歷而配於所職其飛騎仗或有勅上南衙者則大將軍將軍承墨勅白移於金吾引駕仗引駕仗官與監門奉勅又降墨勅然後得入長史判諸曹事錄事參軍以下職如

左右衛凡飛騎宿衛將軍以下不得使其出外若番上須兵士則簡同華越騎充不足取步騎步騎不足兼取諸州越騎凡當宿衛者番上兵部以遠近給番五百里爲五番千里七番一千五百里八番二千里十番外爲十二番皆以月上若簡番直衛者五百里爲七番千里八自左右衛至領軍並掌番二千里十番外爲十二番亦月上

宮禁宿衛金吾掌宮中京城警監門掌諸門禁衛千牛掌侍衛凡五府外府之番上者十二衛受其名簿而配以職除監門千牛凡左右四衛不領故但十二衛五府謂親勳翊三衛外府折衝府也五府惟左右衛兼領之餘但翊衛二府而已初高祖起兵有元從禁軍太宗時置百騎武后時改爲千騎睿宗時增至萬騎元宗以萬騎平韋氏亂號龍武軍肅宗時有供奉射生官代宗以後有左右神策軍貞元中改射生軍

曰左右神威軍

詳見兵制

左右龍武軍景雲元年置各有大將軍

一人興元元年各置統軍貞元三年增龍武將軍一人左右

神武軍開元二十六年分羽林置各有大將軍一人將軍一

人左右龍武左右神武左右神策號六軍貞元二年神策軍

置大將軍將軍十四年置統軍品秩同六軍始殿前左右神

威軍有大將軍二人正二品統軍二人從三品將軍二人從

五品元和初爲一軍號天威軍八年廢以軍隸神策有馬軍

步軍將軍及指揮使等以馬軍大將軍知軍事天復三年廢

神策軍四年復置神策軍太子左右率府率副率掌兵仗儀

衛凡諸曹及三府外府皆隸焉元日冬至皇太子朝宮臣諸

方使則率衛府之屬爲衛每月三府三衛及五府超乘番上



者配以職武德五年改左右侍率曰左右衛率府左右武侍  
衛率曰左右宗衛率府左右宮門將曰左右監門率府龍朔  
二年改左右衛率府曰左右典戎衛左右宗衛率府曰左右  
司禦率府左右虞候率府曰左右清道衛左右內率府曰左  
右奉裕衛左右監門率府曰左右崇掖衛武后垂拱中改左  
右監門率府曰左右鶴禁衛神龍元年改左右司禦率府曰  
左右宗衛府左右清道衛曰左右虞候率府景雲二年左右  
宗衛府復曰左右司禦率府開元初左右虞候率府復曰左  
右清道率府

林垌曰唐制有八衛各分左右自左右衛至千牛皆典扈  
從故宮禁宿衛是統是司內廂儀仗是臨是職者左右衛

也皇城四面宮城內外諸門置兵分助其役者驍騎也正  
衙朝會釐鎧旅卒兩廂列仗唱警應蹕者武衛也正殿之  
前隊立於階長樂永安隊列於廡者威衛也皇城之四面  
宮苑之城門則職於領軍京城烽埃之宜南衙番上之數  
則職於金吾禁衛名籍器仗出入則職於監門僕御兵仗  
宿衛弓箭則職於千牛此唐人十六衛之制也張延師之

謹畏三十餘年未嘗有過

唐職林張延師爲左衛大將軍典羽林三十年未嘗有過阿

史那忠之清謹四十八年無有纖隙

忠爲右驍衛大將軍宿衛四十八年人比

之金龐玉久典宿衛習知制度

高祖願諸將多不開儀檢授玉領軍武衛大將軍使

日碑衆以段志元衛章武門夜不示詔

段志元爲左驍騎大將軍文德皇后之葬勒兵

衛章武門太宗夜遣使至志元拒曰軍門不夜開使者則示以手詔志元曰夜不能辨比且帝歎曰眞將軍也則

宿衛得人無愧於周然始以大臣兼領宿衛使文皇有甘

寢之安可也

元微之行于季友右羽林將軍制曰李大亮

細矣時李大亮以冬官兼

自六軍禁衛皆用市人其選始輕祿山吐蕃

之變神策近軍外入赴難國家遂以倚重悉命中人主之

其勢益橫

上元中以北衙軍使衛伯玉爲神策軍節度使

反時伯玉以磨環門軍赴難卽神策軍也其後吐蕃入寇

朝恩以神策軍屯苑自是益分爲左右廂大厯四年請以

京兆之好時鳳翔之麟游普閭皆執神策

自是南衙日輕北衙日重矣蓋自太

宗舉義兵起太原已定天下悉罷還歸而願畱宿衛者三

萬人給以渭北腴田號曰元從禁軍本爲兵立制非爲制

置兵

詳具兵制

其後左右羽林龍武神武及神策神威而總名

北衙者豈太宗初制哉且漢以衛尉護南軍以金吾巡北

軍唐十六衛有金吾將軍掌京城巡警是北軍已寓其間

觀白集羽林衛將軍之制所謂國家設十六衛猶漢之有

南北軍其知之矣

白集主元輔授左羽林衛將軍制

而其元從禁軍亦猶

官制員外之置非禁衛正兵也今以禁軍爲北衙衛兵爲

南衙以備漢制豈不過與北衙旣橫之後外庭諸臣莫之

誰何請復言之而不見聽

請復言艱難以來始用宦者監軍權望大重是曹政可委宮掖

事兵要政機勿使參預上不之聽

高元裕言之而不及用

敬宗視朝不時決事禁中宦寺

恣放大臣不得進見元裕諫曰西頭勢乃重南衙樞密之權過宰相帝雖悟而不能用

惜夫推原其

故皆外臣不預禁軍專歸宦者其爲患至是也噫漢不以

中朝屬外朝而使關宦宿直卒成何進之亂唐不以北衙

隸南衙亦使宦官典兵反致王叔文之亂其視周人以禁

衛屬冢宰之意何止天淵哉

梁太祖始置侍衛馬步軍開平元年改左右長直爲左右龍  
虎軍左右內衛爲左右羽林軍左右監銳夾馬突將爲左右  
神武軍左右親隨軍將馬軍爲左右龍驤軍其年九月置左  
右天興左右廣勝軍仍以親王爲軍使二年置左右神捷軍  
十二月改天武爲龍虎龍虎爲天武天武爲羽林羽林爲天  
威英武爲神武神武爲英武

前朝置龍虎等六軍謂之衛士  
至是以天威天武英武等六軍

易其軍號  
而無動舊

後唐長興三年勅衛軍神威雄威及魏府廣捷已下指揮宜  
改爲左右羽林置四十指揮十指揮爲一軍每軍置都指揮  
使分爲左右廂廣順元年改羽林四十指揮爲嚴衛左右軍

龍武神武四十指揮爲捧聖左右軍清泰元年改捧聖馬軍爲彰聖殿衛步軍爲甯衛

晉天福六年改拱宸威和內直軍並爲興順至八月改奉德兩軍爲護聖左右軍

後周廣德元年改侍衛馬軍曰龍捷左右軍步軍曰虎捷左右軍顯德元年詔大簡諸軍取武藝超絕者爲殿前諸班

六典通考卷三十八

湖西閭鎮珩輯

宮政考

宿衛

宋禁衛之兵殿前侍衛二司總之最親近者號諸班直

諸班有都

虞候指揮使都知副都知押班御龍諸直有四直都虞候本直各有都虞候指揮使副指揮使都頭副都頭十將將虞候其次總於御前忠佐軍頭司皇城驕驥院其將校則有殿前

司都指揮使副都指揮使都虞候各一人

南渡後有殿前司統制統領官臣僚

言三衛舊制軍職大者八等除都指揮使或不常置外曰殿前副都指揮使馬軍副都指揮使步軍副都指揮使次各有都虞候次有捧日天武四廂都指揮使龍神衛四廂都指揮使秩秩有序若登第然降此而下則分營分廂各置副都指揮使邊境有事命將討捕則旋立總管鈐轄都監之名使各將其所部以出事已復初今以宿衛虎士而與在外諸軍同

其名以統制統領爲之長又使邊帶外路總管鈐轄皆非舊典所當法祖宗之舊正三衛之名改諸軍爲諸府改統制以下爲都虞候指揮使馬步軍有捧日天武左右四廂都指揮使其下有

都虞候指揮使副指揮使軍使副兵馬使十將將虞候承局押官各以其職隸於殿前司侍衛親軍馬軍侍衛親軍步軍所掌如殿前司所領馬軍自龍衛而下步軍自神衛而下各

有左右四廂都指揮其下各有都虞候指揮使等官如殿前

司中興復置主管侍衛馬軍步軍司其屬有幹辦公事主管機宜文字等員凡出入扈衛守宿以奉上開收閱習轉補以勦下各籍覈其在亡過則以法繩之諸衛上將軍大將軍

將軍并爲環衛官無定員皆命宗室爲之隆興中置十六衛號環衛官皇

城司掌宮城出入之禁令凡周廬宿衛宮門啟閉皆隸焉每門給銅符二鐵牌一左符畱門右符請鑰鐵牌則請鑰者自



隨以時參驗而啟閉之總親從親事官名籍辨其宿衛均其番直人物僞冒不應法則譏察以聞凡臣僚朝覲上下馬有

定所宰臣親王以下人從有定數揭榜止其喧闐

中興初爲行營禁衛

所差主管官掌察出入行幸則糾察導從紹興元年改稱行在皇城司置提舉官提點官幹當官掌皇城宮殿給三色牌號稽驗出入殿前司領騎兵額三十七步兵額二十六侍衛司領

騎兵額三十五步兵額八十三御前忠佐軍頭司領騎額四

皇城司領步兵額二左右驂驥院領騎兵額二廂軍內屬侍

衛司建隆元年詔殿前侍衛二司各閱所掌兵揀其驍勇爲

上軍汰老弱爲贖員詔諸州長吏選部兵送都下以補禁旅

又以木挺爲高下之等散給諸州軍召募教習俟精練送闕

下二年改左右雄捷左右驍武竝爲驍捷左右備征爲雲騎

左右平遠爲廣捷左右懷德爲懷順四年命河東樂平縣歸  
降卒元威以下二百六十六人爲效順指揮乾德三年改西  
川感化耀武等軍爲虎捷九月上閱諸道兵得萬餘人以騎  
兵爲驍雄步軍爲雄武隸侍衛司太平興國二年改簇御馬  
直曰簇御龍直鐵騎曰日騎龍捷曰龍衛控鶴曰天武虎捷  
曰神衛骨朵子直曰御龍骨朵子直寬衣控鶴曰寬衣天武  
雄威曰雄勇龍騎曰雄猛雍熙四年改殿前司日騎鏹直指  
揮爲捧日鏹直驍猛爲拱辰雄勇爲神勇上鐵林爲殿前司  
虎翼腰弩爲神射侍衛步軍司鐵林爲侍衛司虎翼咸平三  
年詔定州揀中廳子充雲翼第一至第三相州廳子充雲翼  
第三至第四保州無敵充雲翼第五至第六忠銳充雲翼第

七威勇軍無敵充雲翼自第八至第九忠銳充雲翼第十靜  
戎軍無敵靈邊軍無敵北平塞無敵深州無敵並充雲翼自  
第十一至第十四北面諸應管本城定塞指揮已下鎮定州  
高陽關路都總管並充禁軍馬軍雲翼指揮大中祥符四年  
永安縣永安指揮兵八千餘人以奉諸陵其西京本城廂軍  
賜名奉先指揮升爲禁軍八年置左右清衛二指揮在雄武  
弩手之上散卒月給鐵錢五百以奉宮觀仁宗卽位畱神武  
備始幸安肅教場命捧日天武神衛虎翼四軍爲戰陳法拔  
其尤者稍遷補之由天聖至寶元間增募陝西蕃落廣銳河  
北雲翼京畿廣捷虎翼効忠陝西河東清邊弩手京西江淮  
荆湖歸遠總百餘營康定初增置陝西蕃落保捷定功河北

雲翼有馬勁勇陝西河北振武河北京東武衛陝西京西壯  
勇延州青澗登州澄海弩手京畿近郡亦增募龍騎廣勇廣  
捷虎翼步鬪步武增內外馬步凡數百營揀選之制自廂軍  
升禁軍禁軍升上軍上軍升班直班上軍及班直者臨軒親  
閱非才勇絕羣不以應召仁宗詔樞密院次禁軍選補之法  
凡入上四軍者捧日天武弓九斗龍衛神衛弓七斗天武弩  
二石七斗神衛弩二石三斗爲中格恩翼員寮直驍捷軍士  
選中四軍不復閱試自餘招揀中選者並引對凡員寮直闕  
人則以選中上軍及龍衛等樣弓射七斗合格者充許選補  
班直凡選禁軍自奉錢三百以上弓射一石五斗弩蹠三石  
五斗及龍衛者並親閱以隸龍衛神衛凡騎御馬直闕小底

則閤拱聖驍駒少壯善射者充凡弓手內殿直以下選補殿  
前指揮使射一石五斗御龍弓箭直選補御龍直御龍骨朵  
子直東西班帶甲殿侍選補長入祇候御龍諸直將虞候選  
補十將射皆一石四斗東西班散直選補內殿直捧日員寮  
直天武神衛龍衛親從選補諸班直御龍骨朵子直弓箭直  
將虞候選補十將御龍諸直長行選補將虞候射皆一石三  
斗員寮龍御騎御馬直小底選補散直射皆一石二斗至和  
七年樞密院奏開寶之籍總三十七萬八千而禁軍馬步十  
九萬三千至道之籍總六十六萬六千而禁軍馬步三十五  
萬八千天禧之籍總九十一萬二千而禁軍馬步四十三萬  
二千慶厯之籍總一百二十五萬九千而禁軍馬步八十二

萬六千募兵寢多稍加裁制英宗卽位詔諸道選軍士能引  
弓二石曠弩四石五斗送京師闕試第升軍額明年併萬勝  
爲神衛三年京師置雄武第三軍是時數詔諸路選廂軍壯  
勇者補禁衛退其老弱蓋治平之兵一百十六萬二千而禁  
軍馬步六十六萬三千云熙甯三年詔殿前虎翼除水軍一  
指揮外存六十指揮各五百人總三萬四五百人在京增廣勇  
五指揮共二千人開封府界定六萬二千人京東五萬一千  
二百人兩浙四千人江東五千二百江西六千八百湖廣八千  
三百湖北萬二千福建四千五百廣南東西千二百川陝三  
路四千四百人爲額在京唯河北人數尙多乃詔禁軍以七  
萬爲額而京東增置武衛軍分隸河北四路七年詔頒諸將

班直禁軍名額捧日天武龍衛神衛爲上軍五百文已上料錢見錢爲中軍不滿五百文料錢見錢并捧日天武第五第七軍龍衛神衛第十軍驍猛雄勇驍雄雄威爲下軍熙甯禁軍凡五十六萬八千六百八十八人元豐六十一萬二千二百四十三人大觀五年尙書省言古者六軍爲王爪牙羽林則禁衛之總名今兵卒所居營分曰六軍而復有左右羽林之名稱謂失當若將棟中六軍并六軍指揮改爲廣効內棟中六軍作第一指揮左龍武第二左羽林第三左神武第四右龍武第五右羽林第六右神武第七從之高宗南渡建御營司未幾復併御營歸樞密院紹興四年改御前五軍爲神武軍御營爲神武軍副竝隸樞密院五年上以祖宗故事兵

皆隸三衙乃廢神武中軍隸殿前司兵柄始一

建炎以來朝野雜記建炎

元年秋騎帥郭仲荀自東京部禁旅至南京已而還爲副雷

守三年秋仲荀以虜過京城糧儲告竭率餘兵赴行在其冬

上將航海遊狄而衛士張寶等不欲行因以元直入朝率眾

圍之出語不遜上怒誅十七人于明辨市除行門外盡廢其

班明年春上至台州兵衛寡弱惟中軍統制官辛承宗有眾

數千而以元直之親軍將姚端眾獨盛上皆優遇四月上還

會稽乃選中軍五百人入直殿巖悉烏合之眾時趙元鎮初

秉政因爲上言祖宗於兵政最爲留意今諸將各總眾兵不

隸三衙則兵政已壞獨衛鬚鬚舊制亦掃蕩不存是因咽而

廢食也上悟尋復舊制然衛兵不滿三千識者病其單弱數  
以爲言紹興二年秋詔三衙措置已而上謂輔臣曰一衛士  
所給可瞻三四兵朕命楊沂中治神武中軍此皆宿衛兵也  
遂命沂中兼提舉宿衛親兵五年冬廢神武中軍隸殿前司  
以沂中主管殿前司公事又以都督府兵分隸三衙七年夏  
復合馬司餘軍及八字軍爲六軍十二將命劉信叔主之解  
承宣滯與步軍如故自是三衙始復矣神武中軍舊止三部  
自楊存中職殿嚴始增爲五軍又置護聖踏白選鋒神奔神  
勇馬步凡十二軍時江海盜作因分置諸軍控制之如泉之  
左胡賴之右胡循之推鋒明隆興三年主管步軍司公事郭  
之水軍皆隸殿前司總七萬人



振言本司在京日管軍額三萬九千五百人今來行在見管  
止一千二百十九人乞招一千七百八十人通作三千刺充  
神衛虎翼飛山牀子弩雄武等指揮其請給物等依例詔依  
乾道四年樞密院言殿前步軍司官人子弟多願投効其閒  
不及等杖二三寸卻有膂力強壯之人詔令逐司遇有闕額  
除及等杖外若低一二寸令射八斗力弓低三寸射九斗力  
弓委承旨司審驗指試乾道二年馬司以三萬人步司以二  
萬七千人爲額自南渡以來捧日天武已下權以三千人爲  
額慶元時諸班直共二千二百五十二人立爲定額中興前  
左右班御龍直骨朵直內殿直弓箭直弩直散員散指揮散  
都頭散祿候金槍銀槍班茶酒新班西一班殿侍東五班散  
直班二十四  
班爲上軍

遼太祖分德呼

原作迭刺

部爲二宮衛

以虛皇后舒嚕

原作述律

氏居

守摘番漢精銳爲舒新

原作屬珊

軍太宗益選天下精甲置皮室

軍合騎五十萬太祖以德呼部受禪分五院統以皇族而親

衛缺然乃立鄂爾多

原作魯朵

法裂州縣割戶丁以強幹弱支

世建宮衛入則居守出則扈從葬則因以守陵有兵事則五

京二州各提轄司傳檄而集宏義宮正丁萬六千番漢轉丁

萬四千騎軍六千長甯宮正丁萬四千番漢轉丁萬二千騎

軍五千永興宮正丁六千番漢轉丁萬四千騎軍五千積慶

宮正丁一萬番漢轉丁一萬六千騎軍八千延昌宮正丁二

千番漢轉丁六千騎軍二千彰愍宮正丁萬六千番漢轉丁

二萬騎軍一萬崇德宮正丁萬二千番漢轉丁二萬騎軍一

萬興聖宮正丁一萬番漢轉丁四萬騎軍五千延慶宮正丁  
萬四千番漢轉丁二萬騎軍一萬太和宮正丁二萬番漢轉  
丁四萬騎軍萬五千永昌宮正丁萬四千番漢轉丁二萬騎  
軍一萬敦睦宮正丁六千番漢轉丁一萬騎軍五千文忠王  
府正丁一萬番漢轉丁萬六千騎軍一萬自上京至南京各  
置提轄司重地每宮皆置內地一二而已太和永昌二宮宜  
與興聖延慶同舊史不見提轄司南京宏義長甯永興積慶  
延昌彰愍崇德興聖延慶敦睦等宮及文忠王府各有提轄  
司西京宏義長甯永興積慶彰愍崇德延慶諸宮及文忠王  
府與南京同奉聖州宏義長甯永興積慶彰愍崇德興聖延  
慶諸宮及文忠王府同西京平州宮府提轄司同上中京延

昌宮文忠王府上京文忠王府各有提轄司凡諸宮衛丁四十萬八千騎軍十萬一千

金殿前都點檢兼侍衛將軍都指揮使掌行從宿衛關防門  
禁督攝隊仗左右各有副都點檢兼侍衛將軍及副都指揮  
使掌宮掖及行從殿前左右衛各有衛將軍及副將軍掌宮  
禁及行從宿衛警嚴防守總領護衛左右宿直將軍掌總親  
軍凡宮城諸門衛禁并行從宿衛之事左右振誦掌妃嬪出  
入總領護衛導從本妃嬪宿衛之長拱衛直使司威捷軍隸  
焉有都指揮使副都指揮使掌總統本直謹嚴儀衛所屬有  
鈐轄都轄其衛士曰護衛曰親軍曰弩手曰控鶴曰傘子曰  
長行朔望常朝弩手百人分立兩階其親軍本於合扎謀勇

合扎者言親軍也近親所領故名焉真元遷都以太祖遼王宗幹秦王宗翰軍爲合扎猛安謂之侍衛親軍司舊常選諸軍材武者爲護駕軍海陵又名上京龍翔軍爲神勇軍正隆二年將南伐乃罷歸使就僉調後於侍衛親軍四猛安舊止太祖遼王秦王猛安凡三今日四猛安未詳豈太祖兩猛安耶內選三十以下千六百人騎兵曰龍翔步兵曰虎步以備宿衛五年罷親軍司置左右驍騎所謂從駕軍也置都副指揮使隸點檢司步軍都副指揮使隸宣徽院大定初親軍四千人二十二年省爲三千五百尚書省奏上京旣設皇城提舉官亦當設軍守衛上曰可設四百五十馬一百二十分三番更代異時朕至上京作兩番巡警限半年交替人日給錢五十米一升半馬給芻粟猛安

謀克官差年四十上下者軍士並取三十以上充章宗承安四年遞增至六千又有威捷軍增簽弩手千人凡選弩手先營造尺度杖其長六尺立之謂之等杖取身與杖等能踏弩至三石鋪弦解索登踏閑習射六箭皆上垛內二箭中貼者又選親軍取身長五尺五寸善騎射者猛安謀克以名上兵部移點檢司宣徽院試補之又設護衛二百人近侍執兵仗取五品至七品子孫及宗室并親軍諸局分承應人身長五尺六寸者選補之又設控鶴二百人以備出入

元制宮衛曰禁軍大朝會曰圍宿軍

至元十六年命大都侍衛軍內復起一萬人赴

大都以備圍宿

大祭祀曰儀仗軍

至元十二年祭告天地宗廟調左右中三衛軍五千人爲蹕街清路

軍隨車駕巡幸曰扈從軍

至元十七年發河西軍士入備扈從

守護帑藏曰看

守軍

至元二十五年以軍守都城外倉

夜警非常日巡邏軍

皇慶元年丞相特們德爾奏每

歲既幸上京於各宿衛中番衛士三百七十人以備巡邏今歲多盜賊宜增百人以嚴守禦制可仍命樞密與中書分領

之歲潛至京師用以彈壓日鎮遏軍

延祐元年樞密院官奏中書省言江浙春運糧

八十三萬六千二百六十石取日開洋前來直沽請預差軍人鎮遏詔依年例調軍一千名命右衛副都指揮使巴延往鎮遏

之

太祖功臣博囉罕保爾濟穆呼哩齊拉袞時號都爾本

庫魯克猶言四傑也太祖命其世領集賽之長集賽者猶言

番直宿衛也凡宿衛三日一更申酉戌日博囉罕領之爲第

一集賽卽伊克集賽

原作也

博囉罕早絕太祖命以博索部

代之云伊克者言天子自領之亥子丑日保爾濟領之爲第

二集賽寅卯辰日穆呼哩領之爲第三集賽巳午未日齊拉

袞領之爲第四集賽齊拉袞後絕其後集賽常以右丞相領

之凡集賽長子孫或由天子親信或由宰相薦舉或以次序  
當爲卽襲其職以掌環衛及年勞旣久遂擢爲一品官而四  
集賽之長天子或又命大臣總之然不常設也其它預集賽  
之職而居禁近者分衣服弓矢食飲文史車馬廬帳府庫醫  
藥卜祝之事悉世守之雖以才能受任服官然一日歸內庭  
則執事如故至子孫無改非甚親信不預也其主弓矢鷹隼  
之事者曰和爾齊原作火爾赤實保齊原作昔寶赤齊哩克齊原作怯憐赤  
書寫聖旨曰扎爾拉克齊原作扎里赤主文史者曰筆且齊原作必闕  
赤親烹飪奉上飲食者曰博囉齊原作博爾赤侍上帶刀及弓矢  
者曰伊勒都齊原作赤都赤庫特齊原作端赤司閹者曰巴喇噶齊  
原作八打哈赤掌酒者曰達喇齊原作刺赤典車馬者曰烏拉齊原作兀刺



赤摩哩齊

原作赤莫倫

掌內府尚供衣服者曰舒庫爾齊

原作赤古兒

牧駱駝者曰特默齊

原作帖麥赤他卷又作探馬赤

牧羊者曰和尼齊

原作火你

赤捕盜者曰呼拉干齊

原作忽刺罕赤

奏樂者曰浩爾齊

原作虎兒赤

忠

勇之士曰巴圖爾

原作霸都魯

勇敢無敵之士曰巴圖

原作拔突

皆天

子左右服勞侍從執事之人其分番更直亦如四集賽之制

而領於其長宿衛之士謂之集賽台亦三日分番入衛初數

甚簡後累增為萬四千人無事各執其事宿衛禁庭有事惟

天子指使比樞密各衛諸軍尤親信焉自太祖以後累朝所

御鄂爾多其宿衛未嘗廢每歲賜鈔幣動以億萬計國家大

費敝於此焉

輟耕錄國朝有四怯薛太官怯薛者分宿衛供奉之士為四番番三晝夜凡上之起居飲食諸

服御之政令怯薛之長皆總焉中有云都赤乃侍御之至親近者雖官隨朝諸司亦三日一次輪流入直負骨朵於肩佩

環刀於要或二人四人多至八人時若上御控鶴則在屏陛之下蓋所以虞姦回也雖宰輔之日覲清光然有所奏請無云都赤在固不敢進今中書移咨各省或有須備錄奏文事者內必有云都赤某等以此之故尔又宛骨朵守義嘗記宋景文筆記云關中人以腹大爲風肌俗音謂中統三年以侍杖頭大者亦曰風肌後說爲骨朵朵平聲

衛親軍都指揮董文炳領武衛軍事命益都行省大都督薩奇蘇驗民籍及總籍軍數每千戶內選練習軍士二人充侍衛軍并海州東海漣州軍屬焉至元元年改爲侍衛親軍分左右翼置都指揮使八年改立左右中三衛掌宿衛扈從十六年創置前後二衛置都指揮使又置武衛二十六年樞密院官安巴奏以六衛六千人大都屯田三千人及近路萬戶府千人總萬人立武衛親軍都指揮使司掌修治城隍及京師內外工役左都威衛至元十六年以新取侍衛親軍一

萬戶屬之東宮立侍衛親軍都指揮使司三十一年復屬皇太后改隆福宮左都威衛使司至大三年選其軍八百人立千戶所一百戶翼八分局造作右都威衛國初穆呼哩奉太祖命收扎拉爾烏魯莽果諾海四投下爲特默齊軍旣平金隨處鎮守中統三年立蒙古特默齊總管府至元二十一年樞密院奏以五投下特默齊軍俱屬東宮復置官屬二十二年改蒙古侍衛親軍指揮使司後改隆福宮右都威衛使司唐古衛至元十八年阿實克烏蘇言奉命領河西軍三千人帶虎符金牌者甚眾若無官署何以防閑樞密院以聞遂立唐古衛親軍都指揮使司二十四年立桂齊衛元貞元年立西域親軍都指揮使司衛侯直都指揮使司至元元年裕宗

招集控鶴百三十五人三十一年徽政院增六十五人立衛  
候司掌儀從金銀器物元貞元年皇太后復以晉王尉校百  
人隸焉大德十一年益以懷夢從行控鶴二百人升衛候直  
都指揮使司至大元年復增百人總六百人設百戶所六泰  
定元年以控鶴六百三十人歸皇后位下左右阿蘇衛至元  
九年初立阿蘇巴圖達魯噶齊後招集阿蘇正軍三千餘復  
選阿蘇柴齊齊拉袞集賽台軍七百人扈從車駕掌宿衛禁  
城二十三年南攻鎮巢殘傷者眾遂以鎮巢七百戶屬之并  
前軍爲萬戶隸前後二衛至大二年改立左右衛阿蘇親軍  
都指揮使司隆鎮衛睿宗在潛邸嘗於居庸關立南北口屯  
軍徼巡盜賊至元二十五年以南北口上千戶所總領之至

大四年改千戶所爲萬戶府分欽察唐古桂齊西域左右阿  
蘇諸衛軍三千人并南北口大和嶺舊隘漢軍六百九十三  
人屯駐東西四十三處立十千戶所置隆鎮上萬戶府皇慶  
元年改爲隆鎮衛親軍都指揮使司左衛率府至大元年以  
中衛兵萬人立衛率府屬東宮時仁宗爲太子曰世祖立五  
衛象五方也猶中書之六部命江南行省萬戶府選漢軍精  
銳者萬人爲東宮衛兵立衛率府延祐元年改爲忠翊府未  
幾改爲御臨親軍都指揮使司又以御臨非古改羽林英宗  
爲皇太子復隸東宮仍舊名右衛率府延祐五年以詹事圖  
們岱爾所管薩勒奇諾爾萬戶府及迤東女直兩萬戶府右  
翼屯田萬戶府兵合爲右衛率府隸皇太子喇喀衛至大三

年定喀喇軍籍驗實始得入籍及諸侯王阿濟格呼魯蘇所  
領特默齊屬喀喇氏者令樞密院遣人往置籍焉忠翊侍衛  
始至元二十九年大德中增軍數爲大同等處侍衛親軍都  
指揮使司至大四年皇太子修五臺寺移屬徽政院以京兆  
軍三千人增入延祐元年改中都威衛使司至治元年改今  
名宗仁衛至治二年右丞相拜珠奏先圖卜特穆爾叛時沒  
入伊奇喇斯人一百戶與今所收蒙古子女通三千戶清州  
徹匠二千戶合爲行軍五千戶請立宗仁衛統之命拜珠總  
衛事給降虎符牌如右衛率府置行軍千戶所隸焉右欽察  
衛至元二十三年立欽察衛至治二年分左右兩衛左欽察  
衛始至元中立衛設行軍千戶十九所屯田三所大德中置

濟爾噶朗特古納兩千戶所至大元年設四千戶所至是始  
分二衛天厯二年並屬大都督府龍朔侍衛天厯元年立親  
軍都指揮使司以左欽察衛騰吉斯等九千戶隸焉左翊蒙  
古右翊蒙古東路蒙古各有侍衛親軍都指揮使司宣忠俄  
羅斯扈衛威武阿蘇衛各有親軍都指揮使司又有女直侍  
衛親軍萬戶府高麗女直漢軍萬戶府管女直侍衛親軍萬  
戶府至元二年十二月增侍衛親軍萬人選女直高麗阿海  
各三千益都路一千每千人置千戶一員百人置百戶  
一員仍選壯鎮守海口侍衛親軍屯儲都指揮使司及宣鎮  
親軍至元四年詔東路等路宣撫司命於所管戶內以三等  
侍衛為率從上第三等戶僉選侍衛親軍千人百名若第三  
等戶不敷於第一  
二等戶內僉補

輟耕錄云國朝鎮殿將軍募選身軀長大異常者充凡

有所請給名曰大漢衣糧年過五十方許出官按鎮殿  
將軍卽宋之殿前司金之殿前都點檢元諸衛官多稱  
指揮使司少有稱將軍者具見續通考

明上直衛親軍指揮使司二十有六曰錦衣衛旗手衛金吾

前衛金吾後衛羽林左衛羽林右衛府軍衛府軍左衛府軍

右衛府軍前衛府軍後衛虎賁左衛是爲上十二衛洪武中置金吾左衛

金吾右衛羽林前衛燕山左衛燕山右衛燕山前衛大興左

衛濟陽衛濟川衛通州衛是爲上十衛永樂中置騰驥左衛騰驥右衛

武驥左衛武驥右衛宣德八年置番上宿衛名親軍以護宮禁其

京衛隸都督府者二十三曰畱守左衛鎮南衛驍騎右衛龍

虎衛瀋陽左衛瀋陽右衛隸左軍都督府曰畱守右衛虎賁



右衛武德衛隸右軍都督府曰畱守中衛神策衛應天衛和陽衛及牧馬蕃牧二千戶所隸中軍都督府曰畱守前衛龍驤衛豹韜衛隸前軍都督府曰畱守後衛鷹揚衛興武衛大寧中衛大寧前衛會州衛富峪衛寬河衛神武左衛忠義右衛忠義前衛忠義後衛義勇右衛義勇前衛義勇後衛武成中衛蔚州左衛隸後軍都督府明初置帳前總制親軍都指揮使司以馮國用爲之後改置金吾侍衛親軍都護府因置武德龍驤豹韜飛熊威武廣武興武英武鷹揚驍騎神武雄武鳳翔天策振武宣武羽林十七衛親軍指揮使司永樂間增設親軍諸衛名爲上二十二衛分掌宿衛畱守五衛舊爲都鎮撫司總領禁衛後改爲畱守衛指揮使司專領軍馬守

禦各城門及巡警皇城造作城垣之事後又升爲畱守都衛  
統轄天策豹韜飛雄鷹揚江陰廣洋橫海龍江水軍左右十  
衛府軍前衛掌統領幼軍輪番帶刀侍衛洪武時府軍等衛  
皆有習技幼軍永樂十三年爲皇太孫選幼軍置府軍前衛  
設指揮使指揮同知指揮僉事衛鎮撫經歷  
員統所二十五金吾羽林等十九衛掌守衛巡警統所一百  
有二騰驤等四衛掌帥力士直駕隨駕統所三十二初太祖  
設拱衛司領校尉隸都督府洪武二年定爲親軍都督府統  
左右中前後五衛軍而儀鑾司隸焉十五年罷府及司置錦  
衣衛統軍所屬有南北鎮撫司所隸有將軍力士校尉等掌  
直駕侍衛巡察捕緝恩功寄祿無常員已又擇公侯伯都督  
指揮之嫡次子置勳衛散騎舍人而諸衛各有帶刀官錦衣

所隸將軍初曰天武後止名將軍凡千五百人尤者曰大漢將軍選軀幹豐偉有勇力者爲之設千百戶總旗統攝自爲一軍下直操練缺至五十方補月糈二石積勞試補千百戶亡故者許以親子弟魁梧勇力代無則取民戶充永樂中置五軍三千營又增紅盔明甲二將軍及叉刀圍子手之屬以備宿衛校尉力士僉民間丁壯無惡疾過犯者力士先隸旗手衛後改隸錦衣及騰驤四衛專領金鼓旗幟隨駕出入及守衛四門校尉初隸拱衛及儀鑾司後亦改隸錦衣衛堂樂執鹵簿儀仗曰鑾輿樂蓋扇手旌節旛幢班劍斧鉞戈戟弓矢馴馬凡十司及駕前宣召官吏差遣幹辦三日一更直立總小旗領其眾而屬之公侯伯駙馬等官管大漢將軍及散

騎舍人府軍前衛帶刀官者一管神樞營紅盔將軍者四管  
五軍營叉刀圍子手者一凡六員大朝會及大祀誓戒冊封  
遣祭傳制用全直直三千人餘則更番常朝則殺之凡郊祀  
諸禮駕出錦衣千百戶三十六人擎鑪香前行侍衛將軍扈  
從至則護齋宮及諸守衛之役其御經筵則大漢將軍二十  
人東西侍文華殿車駕巡幸錦衣衛堂上官俱從居常則當  
直將軍朝夕分候午門外夜則司更共百人而五軍叉刀官  
軍悉於皇城直宿掌領侍衛官輪直日更一員惟掌錦衣衛  
將軍及叉刀手者每日侍尤嚴收捕之令及諸脫更離直者  
總計錦衣衛大漢將軍一千五百七人府軍前衛帶刀官四  
十神樞營紅盔將軍二千五百把總指揮十六明甲將軍五

百二把總指揮二大漢將軍八五軍營叉刀圍子手三千把  
總指揮八勳衛散騎舍人無定員旗手等衛帶刀官一百八  
十洪武五年造守衛金牌以銅爲之塗以黃金長尺闊三寸  
以仁義禮智信爲號二面俱篆文一曰守衛一曰隨駕上直  
則佩下直則納之永樂中選民間子弟十七至二十勇健有  
才藝者充皇太孫侍從名曰幼軍武宗好武多畜勇士嘗以  
千把總四十七人俱注錦衣衛帶俸舍餘千一百人充御馬  
監家將勇士食糧騎操又令大漢將軍試百戶五年實授恩  
澤日濫宿衛稍輕矣嘉靖中錦衣衛匠餘陳岳輸金授本衛  
指揮僉事子孫襲一世給事中湯日新言國家錦衣之職非  
特恩不授無軍功不襲縣官卽急財何至藉工匠餘資濫朝

廷名器乃改岳千戶萬厯間直衛官軍多占役賣閒隱匿雇替於是定例離直不到者奪月糈有差天啟元年帝御文華門有直駕校尉突出陳奏語多恣謬下法司鞫問因勅部院申飭守衛朝儀禁仗並諭錦衣衛嚴察旗尉名籍按驗明白方許執牌應役自後車駕出入警蹕倍整扈從人役無敢錯雜云皇城守衛舊用二十三衛卒始太祖選富民子弟充宿衛曰御中軍既即帝位置都鎮撫司隸都督府總牙兵巡徼而金吾羽林等十衛以時番上號親軍凡有請得自行部不關督府及定天下改都鎮撫司爲畱守設左右前後中五衛關領內府銅符日遣二人點閱夜亦如之所謂皇城守衛軍也永樂間諸衛各有分地自午門達承天門左右以逮長安

左右門至皇城東西屬之旗手濟陽濟川府軍及虎賁右金  
吾前燕山前羽林前八衛自東華門左右達東安門左右屬  
之金吾羽林府軍燕山四左衛自西華門左右達西安門左  
右屬之金吾羽林府軍燕山四右衛自玄武門左右北安門  
左右屬之金吾府軍後衛通州大興四衛衛有銅符各門異  
製承安曰承東安曰東西安曰西北安曰北巡者左半守者  
右半守衛官遇巡城官至合契而從事焉其各門守衛官夜  
各領銅令申字牌自一至於十六內皇城衛舍四十外皇城  
衛舍七十二俱設銅鐸按更巡警內皇城左右坐更將軍百  
每更二十人分直四門支更官八鈐印於籍爲驗日輪都督  
及帶刀千百戶各一人領申字牌直宿及點各門軍士後更

定五軍都督府命侯伯僉書焉凡朝參門始啟直日都督將軍及應直帶刀指揮千百戶鎮撫散騎舍人入而後文武官以次入其上直軍三日一易朝罷辰刻更番凡內臣出入合符嚴索不合而放行者治以重罪有公差攜金幣出者驗視勘合歸時點對工匠出入搜索如內官以兵器雜藥入門者論如律失察者罪同民有事入及陳奏者不得固遏車駕出行御史一人察視其衛士有事不得已者許上聞放歸事已復直無事欺設及當直離次或雇代者治之衛士家有婚喪疾病產子者得自言家無餘丁父母病許假侍養待愈而復太祖嘗詔中書省曰軍士戰鬪傷殘者不可備行伍新宮成當設備禦可於宮牆外造廬舍以居之晝則治生夜則巡警



其後定十二衛隨駕軍上直者八給錢三百二十八年復於四門置舍使恩軍爲衛士考恩軍者得罪免死諸降卒也永樂中調羽林濟川濟陽燕山四衛軍相參宿直洪熙初更造衛士懸牌范金爲之時親軍缺伍衛士不獲代帝憫之選他衛軍守端直諸門尙書李慶言舊制無他軍守衛者禁直嚴不可不慮帝笑曰人主在布德施惠以屬眾心心不可屬卽親信爲讐誠得其心又何患焉正統四年御史李匡言守衛官軍當辨色入朝邇者禁圍不嚴宜令御史點閱從之成化十年尙書馬文升言漢制南軍護皇宮禁衛之兵也北軍護京師征討之兵也太祖置十六衛親軍指揮使司不隸五府爲禁兵其餘屬五府爲征討兵卽漢兩軍相表裏之意文

皇帝設十二衛增置勇士數千屬御馬監上直而以心腹臣領之比者日廢弛勇士與諸營無異皇城之內兵衛無幾諸監門卒尤疲羸不任受甲非所以壯天室肅句陳也宜勅監官卽見軍選練更番上直仍勅守衛官常嚴步伍譏察諸出入者帝然其言正德初嚴皇城紅鋪巡徼復令畱守衛日輪指揮五員督內外夜巡軍而兵部郎中主事同御史錦衣衛稽閣毋攝他務嘉靖中著令直宿官軍五年一給衣糧萬厯十一年以燕山左衛指揮使馬毅管理左東皇城內外及北安等門把總金吾前衛指揮僉事王國寶管理右西皇城內外及玄武等門把總把總之設自此始時門禁益弛衛軍役於中官或空伍賃市丐以應點閱叉刀紅盔日出始一入直

坐更將官皆納月鏹於所轄凡提號巡城印簿走更諸事悉廢給事中吳文偉乞復舊制不報末年有失金牌者久之始覺及挺擊事起一妄男子入殿庭無誰何者其後邊事棘用薛三才言諭九門提督內官察覈各門內外官軍天啟崇禎中亦屢申飭積弛難挽以至於亡京城巡捕古巡警院之職也太祖置兵馬司議察奸僞夜發巡牌旗士領之覈城闔局鑄及踐更者掌之中軍都督府永樂中增置五城兵馬司宣德初京師多盜都御史劉觀請增官軍百人協五城逐捕已復增夜巡候卒五百於諸門成化中始命錦衣衛指揮同御史督兵馬司巡捕末年撥團營軍二百捕賊弘治元年令三千營選指揮千百戶四員領精騎於京城外巡徼又令錦衣

衛官五員旗手等衛官各一員軍二十人畫地巡警巡軍給牌五年設把總都指揮專職巡捕正德中添設把總分畫京城外地南抵海子北抵居庸西抵盧溝橋東抵通州復增城內東西二員而選國營軍益之末年增邏卒至四千人特置參將嘉靖元年復添城外把總分轄城內東西二路城外三路增營兵爲五千擇其中精騎五百爲尖哨增月精及俺荅犯京師特命都御史商大節領兵部巡卒督五城御史巡內外以備不虞又募技勇異等士倍其精令兼統之尋罷給事中丘岳等劾指揮樊經削其任而禁以軍馬私役騎乘者萬厯十二年從兵部奏京城內外賊發自卯至申責兵馬司自酉至寅責巡捕官屬後軍額倍增駕出及朝審錄囚皆結隊

隘巷口然實凋敝不足用捕營提督一參將二把總十八巡軍萬一千人馬五千匹盜賊縱橫竊內中器物竟不能得營軍多虛糜供役者僅半營馬多雇人乘坐失盜嚴限止於五日玩法卒如故崇禎中以兵部左侍郎專督捕務歲學劾捕營將領以下汰選捕軍而以盜之有無賞罰焉四衛營者宣宗初有馬貴等三十餘人自迤北逃歸供養馬之役號曰勇士後多以進馬者充名隸羽林而聽御馬監提調軍卒冒支糧不可稽宣德六年乃專設羽林三千戶所統之凡三千一百餘人尋改武驢騰驤左右衛稱四衛軍設坐營指揮四員由本衛官推選督以太監是爲禁兵中貴人往往占匿外臣不得而稽器械衣甲異他軍橫於輦下弘治末勇士萬一千

七百八十旗軍三萬一百七十歲支廩粟五十萬從廷臣之請內臣所進勇士必兵部驗送而後給廩五年籍其人數著爲令冒濫爲清武宗初中官甯瑾言四衛勇士旗軍逃絕者多所汰人名乞畱供役尙書劉大夏曰四衛軍士多四方捕逃冒充禁兵耗費國用不貲先帝特命稽覈歲省金錢數十餘萬德音如昨莅事者輒敢壞沮之請治瑾等熒惑之罪不聽世宗嗣位詔自弘治十八年存額外並裁革替補必兵部查駁而御馬監馬牛羊令巡視科道官覈數未幾御馬太監閔洪矯旨選四衛官給事中鄭自璧劾洪欺蔽不報兵部尙書李承勳言營府一體請該選覈悉隸本部如旗手等衛而內臣以爲非便帝命如承勳議二十一年御馬監言勇士多

逃亡僅存五千餘請令子姪充選以備邊警部臣言故額五千三百三十人八年清稽已淨其數此營本非備邊安得藉口帝從部議選補如舊制然影射占役虛名冒糧如故萬厯二年減坐營官一員其坐營官缺兵部擇用御馬監毋得預其後復爲中官所撓仍屬御馬監四十二年給事中姚宗文點閱四衛營言官勇三千六百四十七僅及其半馬一千四十三匹則無至者官旗七千二百四十止四千六百餘馬亦如之乞下法司究隱冒帝不能問天啟末巡視御史高宏圖請視三大營例分弓弩短兵火器各若干隊加以訓練至莊烈時提督曹化淳奏改爲勇衛營以周遇吉黃得功等爲帥遂成勁旅得功軍士畫虎頭如阜布以衣甲謂之黑虎頭軍

論曰古之王者必簡忠信正直之士以爲左右侍御之  
臣入可與共心腹出可以備爪牙故武王以虎賁三千  
人克紂七十萬之師於牧野書所謂三千人惟一心者  
是也後世帝王專任詐力以爭天下強斃弱眾脅寡天  
下非能心服也徒畏而爲之下耳故天下既定朝夕兢  
兢謹管籥嚴防衛常若有寇盜姦宄之伺其側者自秦  
漢以來有衛尉光祿典司宮禁至唐遂有十六衛明初  
又增爲二十二衛其後更益以四衛以世道之薄而人  
心之多僞也雖聖賢不能自保其無患則先事而設之  
備蓋其宜矣願在立國之初法度修明號令誠信上下  
之交靡所扞格迨久而奸弊生焉名籍雖具而任事者



或無其實徒卒雖眾而攷察者每失其方養癰之患伏  
在無形一朝潰決遂不可救蓋唐自開元以後市人子  
弟多以貨竄名軍籍中及祿山犯蹕無一人能受甲者  
其後吐蕃之變魚朝恩舉神策軍扈迎天子負恃恩寵  
恣專威福由是內廷大柄操縱於宦人之手王叔文奪  
之而敗嗣覃王得之而又敗至昭宗反正六軍皆盡唐  
因以亡故歐陽修以謂措置之失困天下以養亂者此  
類是也當明中世衛卒空於內舍中貴橫於輦下影射  
占匿稽覈無從其末也大盜蜂起備禦無人宦豎啟關  
而請降禁卒不戰而自潰矣宋自眞仁以還注籍之兵  
一百二十五萬九千而馬步禁軍八十二萬六千居天

下三分之二可謂盛矣及宣和間存者不過三萬靖康之禍畢殲於敵高宗南渡禁旅單弱乃謀召募以充其額故兵之盛衰非係夫數之多寡也苟其名存實亡則臨事祇以資敵之俘而於國威奚有尺寸之補哉夫猛虎所以見憚於人者恃其爪牙之利人主之有禁衛猶猛虎之爪牙也平居因循偷惰廢弛不振左右既靡忠義之人器械又非精良之具一旦夷狄盜賊乘間竊發不幸如靖康崇禎之已事吾不知執戈扈蹕之徒果可資以爲金城湯池之固否也傳曰季孫之憂不在顛與而在蕭牆易曰負且乘致寇至吁其可戒哉